

灌陽縣志卷二

冊 340.181
41
21-9



民國三年甲寅鑄

灌陽縣志

板存兩等學堂

灌陽縣志序

書以志名誌事也古者立家靡不有乘立國靡不有史九州之志謂之九邱周官邦國之志掌於小史四方之志掌於外史志卽當時之史也乘晉史也檇杌楚史也春秋魯史也雖百里大國千室小邑亦莫不有史焉班固繼龍門作史又著爲志後代因惕於史乘之體例嚴也又覺簡不馭繁於是地方史相率而一歸於志省曰通志府曰府志縣曰縣志而元和郡縣志元豐九域志及河南長安吳郡會稽諸志皆唐以後郡縣志之最卓著者也灌陽山川清秀人物迭興有舊志久矣始創於明嘉靖六年周令應祿一修於清康熙四十七年單令

灌陽縣志

卷首

序

此藩再修於道光二十四年蕭令焯灌志經三昭宣矣嗣後無復謀及者迄今七十有餘年世運變遷凡風俗之盛衰制度之因革人物之代謝皆茫然失其記載加之歷經兵燹舊檔無存文獻散佚幾如杞宋之不足徵棗梨侵蝕行見典故之湮沒罔聞若不及時修紀付諸剗剗則何以繼前而示後是以前令林君蒿楨有復修之盛舉也甫集事而遷秩得傳識多聞之君子提挖其間殫心採訪纂輯成篇以舊志爲宗增新補遺芟蕪闕疑故能簫勺洪纖網羅遺佚勤勞半載始告厥成是志也凡卷廿四凡綱一十有四提綱挈領則范輝春卿錫黼唐鍾麟諸君摻訪編讎則蔣良術戴毓馴時逢金蔭

良傑蔣宏烈諸君羣才羣力鴻文碩畫信而可徵挹進夫氓蚩備資於輜軒懲創感發胥於是乎在矣余濫膺斯邑蒞事伊始嘗以士習民風爲入治之先河而發先德之休光備一邑之掌故又有司之所與有責焉方將有意於志適新志有成蔣君良術且出示志稿先我而來問序矣因得其全豹窺其考証之精體例之正允足補前志之所不及洵諸君子之有深造於桑梓也然余猶有進焉夫志也不特山川人物風俗土宜足餉觀民風者斯已也而今而後嘉言懿行法戒具存非有功於名教者乎亮節清風懲勸所繫非有功於人心者乎兵防錢穀戶口土宜綱舉目張是非有功於治道者乎昌

灌陽縣志

卷首

序

二

明文教罷斥異端昭宣正義斯非有功於風紀者乎行見吹壘歌伯仲之詩循陔修膳羞之養龍岡挺秀無非明德新民之所灌水橫濱盡是春風得意之人也矣馬貴與有云修史之難莫出於志夫志所以作一隅之典故而又兼綜乎六官包羅乎諸史誠哉修志之匪易也余喜斯志之有成材之品得以不遺治之體得以相承後之繼往開來之君子而爲之永垂不朽焉是亦灌邑之榮幸也夫是爲序

昔

中華民國三年甲寅六月知灌陽縣事天津于鳳文撰

灌陽縣志序

邑志始修於明嘉靖六年邑令周公應祿再修於清康熙四十七年卑公此藩至道光二十四年蕭公煊重修以來歷經兵燹書版無存簡編鮮有全者前令翁綬琪倡議興修延王廣文舟與術總司其事嗣因翁公升遷經費不敷暫焉中止民國二年春林公芾楨蒞任他務未遑首以修志爲汲汲爰與議會各紳酌定欵項選定協辦編纂各職員未幾請假去移交後任吳公瑞鸞接辦而以術承乏編纂一席術宦晉多年荒疎日久曷敢勝茲鉅任適值于公鳳文來權邑篆初謁見時言及修志一事極力贊成並囑以闔邑美舉義不容辭復承同

灌陽縣志卷首序

事諸君雅意推舉戴君毓馴與術總纂祇得勉事操觚協力與辨訛者改易之缺者補綴之蕪者芟夷之失次者更正之未入者增加之爲圖十爲表一爲綱十有四爲目百餘書成二十四卷雖不敢謂去取得宜而采訪事實纂新續舊以期傳信後人此固術之夙願亦卽所以報命林公者也術因之有感焉蓋志書之修非獨辨地域重工作臚物色記祥異已也而所以驗吏治隆污民俗淳澆財賦贏絀以及學校兵防之廢興人物貞節之真偽選舉藝文之盛衰胥於是乎在邑志關於人心世道者豈淺鮮哉夫疆界區分所以定管屬也棟宇堂皇所以佐政教也地土相宜所以品物咸亨也官師盡

職所以治化大行也立戶賦定國稅所以取民有制也
練兵彳守關隘所以思患豫防也傳列名宦列女所以
抑置貪酷警戒淫邪也制隆學校選舉所以興起斯文
鼓勵人才也尊重人物崇尙藝文所以濟世匡時挽運
起衰也從此涵濡變化蒸蒸日上道德而同風俗豈
非吾民之福地方之幸哉噫林公是舉誠於人心世道
大有裨益然非有吳公于公以繼盛軌則亦雖美不傳
矣用特敘其顛末以表之惟尅日竣事纂輯出於倉皇
不無因陋就簡之處願俟後來博雅君子詳加釐訂以
臻完善是則術所殷殷屬望也夫

民國三年歲次甲寅季夏邑人蔣良術道安氏撰

灌陽縣志序

志乘之作昉於成周式稽官禮大司徒有土訓誦訓之掌大宗伯有小史外史之官大司馬有職方訓方之屬蓋以訓者史之輔軒屬之司徒先邦教也史者訓之掌故屬之宗伯次邦禮也至職方訓方則史之外紀訓之旁行屬之司馬次邦政也然苟無輔軒之探何資掌故苟無掌故之錄何藉輔軒噫此中原始要終之故消息甚微非深探其意者曷由知所取裁哉是故通典者常瀆也通志者常職也通考者常經也始爲三通繼乃演爲六通卒且踵爲九通何則時有遞嬗制亦有代更然而終不改其朔者瀆爲常瀆職爲常職經亦爲常經也

灌陽縣志卷首序

卽如修志一事吾姑弗論一統之志論一省與一府一州之志等而下之且言一縣之志志之佳者如明康海武功志韓邦靖朝邑志固足尙矣嗣是爲清陸隴其靈壽志亦復卓然可傳而與杜君卿之通典鄭漁仲之通志馬貴與之通考竝峙爲三不能有四者也後之修志者果能仿其體例約之又約慎之又慎雖不能匹武功亞朝邑儷靈壽而有卓識兼有鴻裁則亦可以繼三志而傳述於後焉然此固未易言也事有增則不能守約心無主則不能持慎必如歐陽公修唐書司馬公修通鑑增省之例合法戒之意嚴庶足傳信後世乎但以此論施之今日施之吾邑則斷斷乎其不能行何也守舊

者卽納粟之例久而必沿維新者卽畢業之生創獲可喜然且有不能相難者守舊者抱故國喬木之感冰霜雨露皆云大造之仁維新者觸新民發達之機政學農桑悉變亞東之制然則操觚從事者將如何持其平哉亦曰舊者無失其爲舊新者無妨其爲新而已矣或曰如此修志先獻遺文不將蕪沒矣乎曰奚爲其然也唐之世吾灌屬永明之時吾灌隸全柳侯顧守先後來斯今錄其愚溪之詩序與夫平賦賦平賦詩則卽文卽獻卽獻卽文灌水臺山粹然生色矣且也楊靜可李古臺戴葵衷陸仁敷唐曲水蔣虛舟諸公崛起明時蔚爲國棟或以文章顯或以氣節稱或以忠義著迄於清室卿

灌陽縣志

卷首

序

二

氏一門儒林孝友同入國史洎乎未造唐氏一家禮闈貢舉迭掌文衡盛事喧傳出自下邑官斯土者亦孰謂此邦之不穀也哉雖然灌特蕞爾邑耳而介於楚粵之交北鄰永道南毘恭昭苟幸四方無事則糴粟於茶城輸麥於湘浦水陸交通固稱便利不然雖塞定岡之隘堵大荆之源閉昭義之關備禦三鄰爲日且憂不給而猶嘒嘒然號於人曰吾米粟多也吾山谿險也則慎矣是以前者知事林公芾楨念邊防之孔亟而伏莽之日滋於吾灌之志書有重修之想望爰自去春酌定簡章欲速告竣以償厥願乃未幾因事乞假歸自永福而無錫吳公瑞鸞來接斯篆今歲春仲照會吾等橐筆而來

志局編纂有日將藁擬成蓋至是而吾邑之志爲三次
續修矣同事諸君不以余才識庸闇而顧諉余與蔣君
良術總修編纂余輒不揆樛昧取前甲辰舊志重加釐
訂稍更形貌不易權輿門類綱目大率照舊三閱月而
竟付剞劂維時吳公又去而天津于公鳳文乃來從憑
圖成矢心尤甚授梓將完諸君又屬予弁言予欲以不
敏謝而有不能已於言者則何以故曩吾先人廣文子
惠公在日留心文獻輯有縣志補正補遺二書因發緘
出是冊與諸君子重加商確殫心考正不敢自封俾克
輾轉以底於成皆先人所留貽非小子所克負荷亦諸
君所蒐討非鄙人所能贊辭也抑又思之惟天穹穹大

灌陽縣志

卷首

序

三

地搏搏山河雖舊氣象維新凡百制作求勝前人自今
以往固有巧曆所不能測工垂所不能諧者今茲縣志
之修不過爲異日荃蘧已耳況以我中國之在海內僅
似稊米之在太倉而我邑固黑痣彈丸鄙人又咫尺
見詎謂閉門造車出門而卽合轍也耶然吾聞諸考工
記之言矣知者創之於前巧者述之於後意以創述相
沿工用高曾規矩不敢僞越貽譏矧在此次修志亦緣
飾前志而已非敢詡知者創之而待巧者述之也然述
有未盡固不能不徐埃於後之巧者焉謹敘

邑人戴毓馴晉良氏撰

灌陽縣志後序

或有問於余曰志何爲而修也余曰子不聞天地一籟
廬乎光陰一過容乎不及時徵文攷獻恐浮雲出岫白
衣蒼狗變態無常轉瞬之間已縹緲而不可爲象矣或
又詰余曰灌蕞爾邑而又非無事之國也近日綠林嘯
聚彌滿山野東則近營道之鐵坑源南則近永明之大
荆源白晝鼠伏黃昏鳴張君輩顧垂頭志局各守一編
若無他顧是何以了此局哉余曰此虜東捕則南竄南
勦則東奔勢成率然蜿蜒楚粵之界上當事諸公熱心
鵬勦自有長策我輩書生何必定效班定遠哉客驟然
而退余迺獲與志局諸公編纂歲事既成因僭識數語
灌陽縣志

卷首序

於末簡曰吾邑志至是凡三修矣前清康熙一役吾先
祖學元公以耄年膺總纂已成巨帙顧此書至道光時
竟不可多見故范公等重修之今又缺殘如康熙志而
會民國成立林吳兩知事相繼提倡天津于公既來廣
續二公之志而亟成之實吾邑之大幸而余輩亦與有
榮施者也歎余學殖荒落年躋致仕何敢妄擬前人而
爲是貂續乎然喜此志告成若有天假之緣者蓋前人
遭值河海清晏之日余輩則丁戎馬倥傯之時雖不謂
之天幸殆不可也至此書之宗旨則凡例詳矣茲不贅

邑人蔣宏烈重華氏撰

灌陽縣志序四

灌陽本慕爾之邦始隸於荆湖改隸於桂林元明以前而邑乘一編殊爲缺典卽全州修志亦未附焉究未輯有專書也自明嘉靖間周公應祿始修輯之降及前清一修於康熙四十七年再修於道光二十四年經邑令單此藩蕭煊二公協同邑之縉紳先生纂輯成書迄今閱七十載有奇撫落落之遺編僅存碩果非重加釐訂竊恐殘編斷簡全豹難窺林公芾植以拔萃才蒞任斯土勵精圖治百廢具舉怒焉念焉爰籌定款項頒發簡章以修志爲第一要著乃甫集事而遷秩得吳公瑞鸞于公鳳文兩賢令尹先後提倡聘金等專司編纂金識

灌陽縣志卷首序

見謏陋學殖荒落曷克肩此鉅任然得附驥簡末又所深幸於是勞勞半載刪定贊修狹者廣之畧者詳之虛者實之俗者雅之譌者正之繪爲圖列爲表編爲綱目均經同事諸君裁決書成二十四卷付諸剞劂然是志也大要以舊志爲根柢以通志爲體裁尤復援引他書以資考據今而後粲然大備雖不敢上擬龍門班固卓絕史筆然紀輿地則疆域之廣狹可見焉紀建置則締造之艱難可見焉紀風俗則知民德之所以正焉紀物產則知民生之所以厚焉紀秩官則知吏治之所以隆而歌郁黍召棠焉紀學校則知士習之所以端而列文苑儒林焉紀選舉則知人才之所以盛而蔚國楨家幹

馬不特此也紀人物則表賢良紀戶賦則徵富庶紀兵防則安內攘外紀藝文則挽運起衰其間皆政體治道所關人心風教所係區區志乘蕭勺洪纖一披覽間足以引人入勝者何限獨是經濟如楊廉訪節義如唐巖運詞章如李侍御理學如陸鄉賢同入國史如卿氏父子並列詞垣如唐氏弟兄其他懿行嘉言足爲楷模者代有偉人尤令人低徊而不能置也果能景慕前型將見處爲純儒出爲循吏可拭目以俟之矣豈不懿歟豈不懿歟

邑人時逢金蔭生氏撰

灌陽縣志

卷首

序

原序

天地以文章造世帝王因設有典謨紀載之書唐虞以前無論矣粵稽夏商迄於周室下逮七雄莫不有史以紀時事迨祖龍御世改封建爲郡縣于是先王經世之遺典皆聚於秦維時列聖諸書雖概燬於暴秦之烈焰猶幸律令圖書尙存於故秦之相府故沛公入關蕭何得先入而收藏之以故具知天下之阨塞戶口之多寡民情風俗之強弱則史之流傳於今也蕭相之功居多焉漢興以來版圖式廓人文炳煥龍門班固之徒相繼秉筆其間立意不同而命名亦異大抵記注於朝廷者則爲史而分編於郡縣者則爲志異其名者初不異其

灌陽縣志

卷首

原序

實也今天下四海同氣兆民樂業我皇上於萬幾之暇博覽羣書留神遺典現在遴選鴻才碩畫纂修三朝國史暨明史而外仍以修輯統志爲汲汲灌陽雖彈丸山邑是亦古方六七十如五六十之邦也莫非王土何獨於邑志而慢焉忽之況其中有關於戶口錢糧山川人物與夫忠孝節義之堪型昆蟲草木之足紀歷代相沿之跡何忍聽其湮沒詎非典之至重而務之綦急者乎吾因之有所感矣猶憶皇上御極之四年先叔祖澹庵公曾任是邑幸告無罪考滿量移屈指三十餘年其滅荒平險諸善績至今猶膾炙人口不謂余於乙酉之秋亦獲濫膺茲邑祖孫先後均沐天恩猶得與當年二三

父老班荆道故相與有成不可謂非意外之奇遇矣余下車之始首以賢宮城垣橋梁爲亟亟既而詢及邑志僉云灌邑之志向附載於全陽之末簡兵燹之後散失殆盡卽有一二斷簡殘篇尙須訪輯余聞而憮然者久之每逢各當事下車例取縣志以備參考類皆抄本以應命其先後次第不無差謬抑且缺漏簡畧草率不堪亦從未有以一邑之盛典竟甘附庸於鄰國之理也余不揣荒陋謬冀輯而新之爰謀於儒學暨邑之縉紳先生博採勞求共勦盛事其未入者增廣之缺遺者補綴之俾百餘年廢墜之典一旦復興不傍牆壁自成一書而煥然改觀者雖荷諸君子之賢勞實余司牧者之職

灌陽縣志

卷首

原序

分也是志也經始於上冬之十月告成於今歲之四月爰集歷朝分爲十卷綱舉目張同條共貫而先叔祖敘次一篇亦得附驥於簡編之末其平疇險道水陸要衝亦可備爲問津一助且獲與翰墨名流溪山勝境並垂不朽每於晦明風雨之際按圖披閱一往情深覺龍岡擁秀可翹首而遐觀也三峰烟雨可卧遊而神往也王樓晚渡可羽化而登仙也至於羣峰之翠繞灌水之碧合井疆之繡錯併可指顧而流連也而且弔重華於湘水景清節於濂溪千古名賢其足以供人尙友者何限矧龍川之冠裳濟濟倘肯不吝金玉而示我周行其取益更當何如也然斯志也此其大畧也惟願後之君子

神而明之擴而充之力任繼往開來之責而垂無窮焉
此又余之所厚也是爲序

時

康熙四十七年孟夏月穀旦知灌陽縣事單此藩謹撰

灌陽縣志

卷首

原序

三

原序二

粵稽夏之禹貢周之周禮晉之乘楚之檮杌魯之春秋皆史也而無所謂志漢司馬遷於傳紀之外又名爲書至班固始著爲志厥後祖之而郡邑亦因以有志蓋志與史名不同而實則一也然史記一代之大必由志記一隅之詳而採擇焉則郡邑之志又史之先聲而不容或闕者矣灌陽志自明嘉靖六年周公應祿修輯之後越今一百八十餘年其間政治人文向皆吏人抄錄至康熙二十四年全州修志附載灌事於末類皆敘其大畧而舛漏亦多孰若專有成書詳確記載始足彰我國家維新之盛治哉嗚呼爲一代樹不朽之業以傳信於

灌陽縣志

卷首

原序

後人者良史官事也爲一邑樹不朽之業以傳信於後人者良有司事也乙酉季秋江左單公以慈惠通達之才來令茲土下車問俗首以不見邑志全編爲憾爾時亟欲修輯旣以繕城垣察戶口修橋梁飭庠序勞勞兩載百廢始興乃屬邑紳蔣君學元取抄本邑志纂輯成帙復命廷藩校訂將授之梓竊廷藩知識寡陋曷克勝此巨任然得廁名典冊又所深幸而未可以不敏謝者於是遍造紳士之廬博訪輿人之論始得邑紳時賢臣所藏嘉靖志刊本及故紳唐君納牖手輯遺稿以廣西通志全州志與各紳士札寄家譜詳細攷訂改正其遺訛次第其先後首輿地以正疆界疆界正而事功乃興

故建置次之事功之本在農故賦役次之既富必加以
教故官師次之教化興則人才出故選舉次之次則治
行以表循良次則人物以彰賢淑次兵防而牧圉可固
次事紀而補救宜先至若挽運起衰必藉鴻文碩畫故
以藝文終焉計爲綱有十爲目七十有六雖不敢謂掇
拾得宜而矢公秉直據實徵詞爲後人傳信則固
之所報命於公者也惟是忠孝節烈一百八十餘年以
來聞見罔及掛一漏萬之咎知所難辭踵事增華以闡
潛德之光則深有望於後之君子

康熙四十七年夏五月灌陽縣儒學教諭陳廷藩謹序